



綠帆詩話  
第













綠帆詩話卷四

呂伯恭紫微詩話晁以道詠之西池唱和詩有旌旗  
太一三山外車馬長楊五柞中柳外雕鞍公子醉水  
邊紈扇麗人行殆絕唱也

張子厚夢中詩無限寒鴉冒雨飛紅樹高，出粉牆  
之句殆不類人間人也

即毗陵正素處士

楊道孚詩兩綠霜紅郭外田山濃水淡欲寒天

周少隱竹坡詩話呂舍人作江西宗派圖自是雲門  
臨濟始分矣東坡寄子由云贈君一籠牢收取盛取  
東軒長老來則是東坡子由為師兄弟也



陳無已詩云向來一瓣香敬為曾南豐則陳無已承  
嗣鞏和尚為何疑

頃歲朝廷不頒曆朱希真避地廣中作小畫行一詩  
云藤州三月作小畫梧州三月作大畫哀哉官曆令  
不頒憶昔昇平淚成陣我今何異桃源人落葉為秋  
花作春但恨未能與世隔時聞喪亂空傷神

魏泰臨漢詩話李華吊古戰場文曰其存其沒家莫  
聞知人或言將信將疑娟娟心目夢寐見之陳陶  
則曰可憐無定河邊骨猶是春閨夢裡人愈工打前  
楊衙自愛其句云一、鶴聲飛上天



胡仔茗溪漁隱叢話池塘生春草則謝康樂也澄江  
淨如練則謝宣城也隴首秋雲飛則柳吳興也風定  
花猶落則謝元正也鳥鳴山更幽則王文海也空梁  
落燕泥則薛道衡也楓落吳江冷則崔信明也庭草  
無人隨意綠則王胄也凡此皆以一句名

闕名二老堂詩話予家舊有米元章書長壽菴三字  
後兩句云人是西方無量佛壽如南極老人星不知  
何人詩或曰元章自作也

闕名林下詩談子瞻在惠州與朝雲閒坐時青女初  
至落木蕭蕭悽然有悲秋之意命朝雲把大白唱花

褪殘紅朝雲歌喉將轉淚滿衣襟子瞻詰其故荅曰  
奴詎不能歌是枝上柳綿吹又少天涯何處無芳草  
也子瞻翻然大笑曰是吾政悲秋而汝又傷春矣遂  
罷朝雲不久抱疾而亡子瞻終身不復聽此詞

陸輔之詞旨烟橫山腹鴈點秋容

種石生雲移花帶月

畫裏移舟詩邊就夢

池面冰膠牆腰雪老

綠芰擎霜黃花招雨

紫曲迷香綠窓夢月



霜杵敲寒風燈搖夢

沙淨草枯水平天遠

款竹門深移花檻小

因花整帽借柳維艖

問來彈鵲又攪碎一篇花影

波底夕陽紅濕

驚起半屏幽夢淡月啼鴉

千樹壓西湖寒碧

冷香飛上詩句

一畝離思兩消魂馬上黃昏樓上黃昏

絮飛春盡天遠書沉日長人瘦  
何處消魂初三夜月第四橋春  
一硯梨花雨

薄倖東風薄情遊子薄命佳人

恹別來臘脂慵傅被東風偷在杏梢  
不約舟移楊柳繫有緣人映桃花見  
珠簾捲上還重下怕東風吹散歌聲

花淡、處柳陰、處一片笙歌

一掬春情斜月杏花屋

翠簾一池秋水半牀露半牀月



一室秋燈一庭秋雨更一聲秋鴈

鴈風吹裂雲痕小樓一縷斜陽影

看畫船盡入西湖閒却半湖春日

米芾書史黃庭經晉史載為寫道德經當舉羣鵝相  
贈因李白詩送賀監云鏡湖流水始春波狂客歸舟  
遙興多山陰道士如相見應寫黃庭換白鵝世人遂  
以黃庭經為換鵝經甚可笑也

唐摹右軍帖殘鈎蠟紙摹末後一帖是奉橘三百顆  
霜未降未可多得韋應物詩云書後欲題三百顆洞  
庭頂待滿林霜蓋用此事

碧成宜墨神彩艷發龍蛇生動觀之驚人

當是歐陽辛更  
四帖草聖

王右軍筆陣圖前有自寫真紙緊薄如金葉索索有聲

謝赫古畫品錄顧駿之嘗結構層樓以為畫所風雨炎奧之時故不搦筆天和氣爽之日方乃染毫登樓去梯妻子罕見

黃休復益州名畫錄蜀主命黃筌寫鶴於偏殿之壁警露者啄苔者理毛者整羽者唼天者翹足者精彩態體更愈於生往、生鶴立于畫側蜀主歎賞遂目為六鶴殿



石恪字子專成都人有新羅人較力圖

郭思畫論宋袁倩有丁貴人彈曲項琵琶圖唐周昉  
有楊妃架雪衣女亂獲陸局圖

家鵝鴨昂有子肚野飛水禽自然輕梢如此之類或  
鳴集而羽翮緊戢或寒棲而毛葉鬆泡

米芾畫史董源平淡天真近世神品溪橋漁浦洲渚  
掩映一片江南也

李冠卿少卿收獲幅大折枝一千葉桃一海棠一  
花一大枝上一枝向背五百餘花皆背一枝向面五  
百餘花皆面命為徐熙余細閱於一花頭下金書臣

崇嗣上進公歎曰平生所好終被茅看破

令人收一物與性命俱大可笑人生適目之事看久  
即厭時易新玩而適其欲乃是達者

余以范寬圖易僧夢休雪竹一幅巨石倒影下落葉  
數片浮水上旁一枯木亦倒影

蔡勝道有竹六幅長丈餘奇甚大屋梁方可掛森  
如坐竹下

徐熙風牡丹圖葉幾千餘片花只三孕一在正面一  
在右一在衆枝亂葉之背石竅圓潤上有一貓兒余  
惡畫猶數欲剪去



李薦畫品春龍起蟄圖蜀文成殿下道院軍將孫位  
所作山臨大江有二龍自山下出龍蜿蜒驤首雲間  
水隨雲氣布上兩自爪鬣中出魚蝦隨之或半空而  
隕一龍尾尚在穴前踞大石而導舉首望雲中意欲  
俱逞怒爪如腥草木盡靡波濤震駭澗谷瀟漫山下  
橋梁皆沒山中居民老少聚觀闔戶闌牖人人驚畏  
鶴竹圖徐鼎所作叢生竹篠根幹節葉皆用濃墨麤  
筆其間櫛比畧以青綠點拂而其梢蕭然有拂雲之  
氣兩鶴馴啄其下羽翼鮮華啄欲鳴距欲動地  
石恪作翁媪嘗醋圖褰鼻撮口以明其酸

渡水牛朱梁時道士厲歸真所作缺岸平波遠山坡  
地青林淺草牛與牧人情味俱適

湯垕畫鑒余所藏曹霸人馬圖紅衣美髯吳官牽玉  
面髀綠衣閹官牽照夜白趙集賢子昂嘗題云、

韋偃畫馬松石更佳余嘗收紅韉覆背駿馬圖筆力  
勁健駿尾可數如顏魯公書法往歲鮮于伯幾見之  
驚歎累日嘗賦詩曰渥洼產馬如產龍韋偃畫馬如  
畫松奇文也惜不成章而卒

余嘗見收宮女圖文矩文也置玉笛於腰帶中目觀  
指爪情意疑行知其有所思也



顧德謙蕭翼賺蘭亭圖後有米元暉畢少董諸公跋  
畢云此邱壑柄指掌非盛稱蘭亭之美則力辭以無  
蕭君袖手管度瑟縮其意必欲得之皆是妙處又山  
西童藻跋云對榻僧新色可掬旁僧亦復不悅物果  
難取哉

董羽龍似魚傳古龍似蜈蚣

文臣劉寀落花游魚圖紅桃一枝飛花數片赤鯉漾  
輕波吹落英溪得詩人之意

范寬初師李成既乃歎曰與其師人不若師諸造化  
米元章初見徽宗進所畫楚山清曉圖大稱旨復命

書周官篇於御屏書畢擲筆於地大言曰一洗二王  
惡體照耀皇宋萬古徽宗潛立於屏風後聞之不覺  
步出縱觀稱賞元章再拜求索所用端硯因就賜元  
章喜拜置之懷中墨汁淋漓朝服帝大笑而罷

崔白有一大軸絹潤一丈許長二丈許中濃墨塗作  
八大鴈盡飛鳴宿食之態東坡先生大字題詩曰扶  
桑大繭如甕盎天女織綃雲漢上往來不遣鳳舍梭  
誰能鼓臂投三丈云々真白之得意筆也

溫庭筠採茶錄王濛好茶人至輒飲之士大夫甚以  
為苦每欲候濛必云今日有水厄



竇革酒譜于定國飲酒一石治微益精明

樂天在河南自稱為醉尹

晉文王欲為武帝求婚於阮籍醉不得言者六十日  
乃止

三國時鄭泉將終謂同志曰必葬我陶家側廡百年  
化為土或見取為酒壺實獲我心

竟陵王子陵遺何點嵇叔夜之杯徐景山之酒鎔

鄭辭觥記注唐時高麗國獻紫霞杯

蘇東坡有藥玉盞荷葉杯黃庭堅有梨花盞

虞汝明古琴疏祝牧八山樵採得異木其狀類琴因

斲成之名曰太古與妻偕隱嘗作歌鼓之曰天下有道我散子俾天下無道我負子戴優哉游哉聊以卒歲相樂以終身

楚王子無虧有琴曰青翻後質于秦不得歸因撫琴歌曰洞庭兮木秋潯陽兮草衰去千里之家國作咸陽之布衣

桓麟字元龍有琴曰藁竹流風

兵人有燒桐以爨者蔡邕聞其爆聲曰此良才也因請之削以為琴蹄曰焦尾

沈玩琴曰霜霄鉄馬



張弘靜有古琴湔光盡退色如墨石銘曰落花流水  
梁武帝賜張士簡玉琴一張琴首金嵌灌木春鶯四  
字道勁有公

柳文暢

暉

琴歸曰春風

段安節樂府雜錄雨淋鈴明皇自蜀返樂人張野狐  
所製

當刊

望江南朱崖李太尉鎮淞日為亡妓謝秋娘所撰本  
名謝秋娘後改此名亦曰夢江南

段安節琵琶錄白秀真使蜀回得琵琶以獻以迴羅  
檀為槽其木溫潤如玉光采可鑒金縷之虹又感之

成獲鳳貴妃每奏於梨園音韻淒清

或以石為槽鷄鷄筋作絃用鉄撥彈之安史之亂流落外地

朱崖李太尉有樂人廉郊者師曹綱綱嘗云教授人多矣未嘗有此惺靈弟子也郊嘗詣平原別於池上彈琵琶調忽有一片方鉄躍出有識者謂是琵琶賓鉄也盖是指撥精妙律呂相應耳

雲仙記云琵琶賓鉄躍出菱荷間

南卓羯鼓錄宋開府璟雖耿介不羣亦甚好色樂尤善羯鼓始承恩願與上論鼓事曰頭如青山峯手如白兩點此即羯鼓之態事也山峯取不動兩點取碎



急

一種風流自梅  
花賦中來

嵇含南方草木狀蜜香紙以蜜香樹皮葉作之微褐  
色有紋如魚子極香而堅韌水漬之不潰爛泰康五  
年大秦獻三萬幅常以萬幅賜鎮南大將軍當陽侯  
杜預令寫所撰春秋釋例及經傳集解以進未至而  
預卒詔賜其家令藏之

晉仁玉菌譜松輦生松陰採無時凡物松出無不可  
爰松葉與脂伏靈琥珀皆松裔也

竹輦生竹根味極甘當與筍通譜而菌為北阮矣  
玉輦生山中初寒時色潔皙可愛故謚為玉

陳達叟蔬食譜薦韭春薦韭一名鍾乳草四之日蚤飮風祭韭我

思古人如蘭其臭二十品選

玉延山藥也放熟片切漬以生蜜山有靈藥錄于仙方削數片玉漬

百花香

銀蘂黃蘂白水蘂椒和之泠泠水白剪剪銀黃蘂鹽風味牙齒官

商

炊栗蒸開蜜漬周人以栗亦可以贄紫殼吹開黃中通理

吳僧贊寧筍譜張平子南都賦春卵夏筍秋韭冬菁

陸雲性喜笑笑林云漢人有適吳兵人設筍問是何

物語曰竹也歸煮其沐簣而不熟乃謂其妻曰吳人



輒輒欺我如此

吾儕中有利口薄徒喜詆訶賢達曰汝是玉吾見汝作石時汝是竹吾見汝作筍時

林洪茹草紀事宗測字敬微南陽人宋徵士炳之孫自少靜退不樂人間量腹而進松朮度形而衣薜蘿淡然已足屢徵不就

齊書周顒隱鍾山王儉謂曰卿在山中何所食荅曰赤米青鹽綠葵紫蓼

宋玉主人女為炊雕胡飯

盧懷慎為相召客食曰爛蒸去毛莫拗折項客以為

非鵝即鴨也而已下粟米餅惟葫蘆一枚而已

史官樂史楊太真外傳上於馬上謂張野狐曰此去  
劔門鳥啼花落水綠山青無非助朕悲悼

至斜谷口屬霖雨涉旬於棧道雨中聞鈴聲隔山相  
應上既悼念貴妃因採其聲為兩霖鈴曲以寄恨

王韶之太清記橋中叟相謂曰汝輸我瀛洲玉塵九  
斛

歐陽玄睽車志王紹夜讀書忽窓外有言借筆者紹  
與之於窓上題一詩曰何人窓下讀書聲南斗闌干  
北斗橫千里思家歸不得春風腸斷石頭城



李賀詩曰秋墳鬼唱鮑家詩恨血千年土中碧

馮贇雲仙雜記曰白樂天燒丹于廬山作飛雲履

杜子美十餘歲夢人令采文于康水覺而問人此水  
在二十里外乃往求之見鵝冠童子告曰汝本文星  
典吏天使汝下謫為唐世文章海九雲誥已降可於  
豆壠下取甫依其言果得一石金字曰詩王本在陳  
芳國九夜捫之麟篆熟聲振扶桑享天福後因佩八  
葱帝歸而飛火滿室有聲曰邂逅穢吾令汝文而不  
貴

房次律弟子金昌十二歲時次律徵問葛洪仙籙中

事以水玉數珠手節之凡兩逼近二百事琅、誦之  
不止次律賞以轉枝梨

裴令臨終告門人曰吾死無所繫但午橋莊松雲嶺  
未成軟碧池補尾魚未長漢書未終篇為可恨爾

饒子卿隱廬山康王谷無瓦屋代以茅茨每年一易  
茅謂之茅龍更衣

閔文行為散騎常侍畫九華山畧於白綾半臂蹄九  
華半臂

孟浩然眉毫盡落裴祐袖手衣袖至穿王維至走八  
醋甕皆苦吟者也



墨紋如履皮磨之有油暈者一兩可染三萬筆

元稹為翰林承旨朝退行鍾廊時初日映九英梅隙  
光射稹有氣勃然百僚望之豈腸胃文章映日可  
見乎

梁緒梨花時折花簪之墜損帽簷至頭不能舉

有人収得虞永興與圓機書一紙剪開字、賣之磬  
卿一字得麻一斗鶴口一字得銅硯一枚房村一字  
得芋千頭隨人好之淺深

倪若水藏書甚多列架不足疊窓安置不見天日子  
第直日看書借書者先投束修羊

杜甫寓蜀每蚕熟即與兒躬行而乞曰如或相憫惠  
我一絲兩絲

田承嗣簽治文案如流水吏人私相謂曰世罕有此  
旋風筆

杜甫每朋友至引見妻子常侍御見而退使其婦送  
夜飛蟬以助粧飾

午橋莊小兒坡茂草盈里晉公每使數羣羊散于坡  
上曰芳草多情賴此粧點也

王筠好弄蒨蘆每吟咏則注水於蒨傾已復注若擲  
之於地則詩成矣



戴弘正每得密友一人則書于編簡焚香告祖考弭  
為金蘭簿

閨中叅軍黃涉婢曰笑春紅死涉念之淚洒屏簾至  
皆損壞

張祐苦吟妻孥嗅之不應以責祐曰吾方口吻生  
花豈恤汝輩

皮蕃去北而復來鄱陽食竹笋曰三年不見羊角哀  
矣

裴休得柰木根曰若作沉香想之更無異相雖對沉  
水香反作桑根想終不聞香氣諸相從心起

虞松方春以謂握月擔風且留後日春花卧酒不可  
過時

都下名妓楚蓮者國香無比每出則蜂蝶相隨慕其  
香

學士許慎與親友宴花園中聚花鋪座曰吾自有花  
裱何煩坐具長安平康坊妓女所居新進士以紅牋  
名紙遊其中李白與人譚論皆成句讀如春葩麗藻  
粲於齒牙時號李白粲花之論

曹曾積石為倉以藏書曹氏書倉

房琯少時曾至洲渚上團沙涅成睡褥康甚有標態



宗測春遊山谷見奇花異草則係于帶上歸而圖其  
形狀名聚芳圖百花帶人多效之

江總為文次至吟咏得意則起豪於窓上不堪示則  
投置溷中久而文遂工矣

沈休文多病六月猶綿帽溫爐食薑椒飯不甬則安  
頓

張籍取杜甫詩一帙焚取灰燼副以膏蜜頻飲之曰  
令吾肝腸從此改易

謝靈運美鬚臨刑施南海祇洹寺為維摩詰鬚寺中  
寶惜中宗時安樂公主五日閱百草遣人取之仍棄

其餘

陶穀清異錄俗以開花風為花韞扇潤花雨為花沐  
浴至花老風雨漸送蓋花刑耳

迷空步障

霧

秋明大老

天河

契丹東丹王突買巧石數峯目為空青府

劉東叔賦臘月雨云且雨且凍山徑滑是誰作此琉璃  
變

本朝以親王尹開封謂之判南衙羽儀散從粲如曷  
西京師人嘆曰好一條軟繡天街

天下有九福京師錢福眼福病福屏帷福兵越口福



洛陽花福蜀川藥福秦隴鞍馬福燕趙衣裳福

此邱無染造廬山春雨路滑忽仆石上由是洞見李  
原士大夫稱為泥融覺

蘆之為物大類此君但霜雪侵陵改素為愧耳故好  
事君子弭蘆為莆寒郡假節俠

唐末文人有謂芍藥為婪尾春者婪尾酒乃最後之  
杓芍藥殿春亦得是名

懿宗賞花短歌云長生白久視黃共拜金剛不壞王  
謂菊花也司空圖菩薩蠻謂梨花為瀛洲玉雨

新羅使者每來多鬻松子有數等玉角香重堂棗御

家長龍牙子惟玉角香最奇使者亦自珍之

瓜最盛者無踰齊趙車擔列市道路濃香故被人云  
未至嘗交先以鼻選

落蘇本名茄子隋煬帝緣飾為昆侖紫瓜人間但名  
崑崙而已

蘇五代宮中呼麝香艸

隋宦者劉綈諡得芙蓉鷗二十四隻以獻毛色如芙  
蓉帝喜置北海中曰鷗字三品鳥宜封碧海舍人

江南後主同氣宜春王從薰常春日與妃侍遊宮中  
後圃妃侍觀桃花爛開意欲折而條高小黃門取綵



梯獻時從謙王乘駿馬擊毬乃引輶至花底痛採芳  
菲顧謂嬪妾曰吾之綠耳梯何如

余銜命渡淮八廣陵界維舟野次縱步至一村圃有  
碧蘆方數畝中隱小室榜曰秋聲館時甚愛之不知  
誰家之別墅意主人亦雅士也

癰醫孟斧治居宅法度奇雅有一小窓皆金紙光瑩  
四射此室暫憇金迷紙醉

李愚告人予夙夜在公不曾爛遊華胥國意欲於洛  
陽買水竹作蝶菴謝事居其間菴未下手銘已畢菴  
中當以莊周為開山第一祖陳搏配食

盧文紀有玉枕骨故凡枕之堅實者悉不可用親舊  
間作楊花枕贈之遂獲安寢自是縫青繒充以柳絮  
一年一易


唐季王侯競作方便囊重錦為之形如今之照袋每  
出行雜置衣巾篋鑑香藥詞丹頗為簡快

有刀簫者携一鏡色碧體瑩背有字曰碧金仙大中  
元年十二月銅坊長老白九峯造

同光年高麗行人至副使者部少卿上柱國朴鼎叟  
文雅如中朝賢士即行吏掃除其館舍得餘燭半挺  
其末紅印篆文曰光濟叟叟蓋以命燭也



高麗船主王大世選沈水近千斤疊為旂旄山象衡  
嶽七十二峯錢做許黃金五百兩竟不售





錄帆詩話卷五

葉秉敬道徇編上可以陪玉皇大帝下可以交卑田  
院乞兒蘇長公脫灑襟懷

梁億導聞錄 太祖征陳友諒至瀟湘賦詩云馬渡  
沙頭首着香片雲片雨渡瀟湘東風吹醒英雄夢不  
是咸陽是岳陽

聖祖嘗有佳句云鳥啼紅樹裏人在翠微中

沈士謙明良錄畧宋濂近視甚明一黍上能作十餘  
字

太祖卽位之後親戚無貧富皆賜朱戶復其家至今

村上數家茅屋柴扉上猶施朱

楊儀明良記吳康齋與弼召至京師常以兩手大指  
食指作圈曰今太極常在眼前長安浮薄少年競以  
蘆蓴投其中戲侮之公亦不顧

楊穆西墅雜記成化甲午倭人入貢見欄前蜀葵花

不識因問之題詩云花如木槿花相似葉比芙蓉葉

一般五尺欄干遮不盡尚留一半與人看

此非道齋寫  
生八疊題畫

闌莊駒陰冗記姑蘓唐子畏寅嘗宿旅邸館人懸畫

菊子畏愀然有感題云黃花無主為誰容冷落疎籬

曲徑中儘把金錢買脂粉一生顏色付西風蓋自况



云

劉應麟甲乙剌言劉玄子從朝鮮還言彼中書集多中國所無者且刻本精良無一字不做趙文敏惜為倭奴殘毀至圍圉之間往往以書幅拭穢亦典籍一大厄會也余乃知國初朝鮮獻顏子朝議以偽書却之此四庫之所以不及前代也

天台王太僕嘗言天下名山無踰五岳皆得覽其聚矣未有若峨嵋之奇峻者余嘗宿絕頂光相寺于時早秋曉起遠望寒冽不減嚴凍為體戰齒闔不能止時寺雞三呼耳殘月猶在遠見西極荒岬有一點尖

明若火光者因以問僧，云此天竺雪山為初日所  
照也始亦未信頃之日出此山隱、炫耀天際已而  
日色徧滿大千則山光不復明矣但見一粉堆耳余  
昧此言乃知佛經言初日始出先照金剛山頂為足  
證也

昔人謂校書如掃落葉隨落隨掃亦是一適

張元發識

陸淡谿山餘話歌辭代各不同而聲亦易亡元人變  
為曲子今世踵襲大抵分為二調曰南曲曰北曲胡  
致堂所謂綺羅香澤之態綢繆宛轉之度正今日之  
南曲也登高望遠舉首高歌而逸懷浩氣使人超乎



塵垢之表者近于今日之北詞也

曹安譚言長語宋王觀復以詩送黃庭堅黃庭堅曰詩生硬不諧律呂此病當是讀書未精博耳

宋相李昉玉堂即事云一院有花春晝永四方無事簡書稀

徐充暖姊由筆張學士元禎弘治間在翰林傳一宮人詩曰金針刺破南窓紙偷引寒梅一線香

詩者用事字者用筆畫者用墨三者不失能事盡矣王志遠玄亭涉筆竹胎說文笋也

青士竹譜竹曰青士

石髮風犬記苔也廣雅曰石衣

水簾本草曰萍也

水栗菱也酉陽雜俎

水芝廣雅瓜也古今注蓮一名水芝

木蜜廣記曰棗

丹若石榴也又曰塗林

菊婢鳳仙花

堯韭菖蒲也見呂覽

一寸樓臺蜂窠也

羶根羊也見南楚新聞



殊翁鴻鴈也見漢雋

飛奴鵲也張曲江以傳書故名又曰挿羽家人

金炯司空圖以鏡為金炯

寶箒偽唐宜春王從薰用宣城諸葛筆弭麴軒寶箒  
自此江南士人呼筆為寶箒

清防屏風也見顏延年壽

香壁蜀士景煥墨印文曰香壁

涼友扇也

睡龍枕也

輕容唐類苑記云無花薄紗也

屈戌窓戶環紐昂古金鋪

牢丸今湯餅也見東晉餅賦

雜馥和香也見通典

兄公爾雅婦稱夫之兄曰兄公

小鳳唐人謂宰相老鳳翰林學士大鳳中書舍人小鳳

教英綠雪亭雜言耕堯田者有九年之水耕湯田者有七年之旱耕心田者日豐年又曰東家富財車馬接踵西家富德風雪滿門

陸深春風堂隨筆本朝畫手當以錢塘戴文進為第



一八京在仁智殿呈畫第一幅是秋江獨釣圖畫一紅袍人垂釣於水次畫家惟紅色最難著文進獨得古公八妙

栢松百年即有白衣如粉本草謂之艾衲香

顧元慶雲林遺事雲林有清閬閣客非佳流不得入元鎮有鉅幅雅宜山竹枝詞二首雅宜山舊名娜如山蓋虞道園所命名

元鎮既散其田而稅未及推八國朝催科者全集元鎮逃去潛於蘆葦中藝龍涎香竟踪跡得之故柯元思詩云夜雨推蓬寫松石焚香何處獨題詩蓋道其

實也

踪跡多在松陵笠澤間嘗避兵浙上有出浙詩

老年遊歷江湖多寓琳宮梵刹有懷歸詩云他鄉未  
若還家樂綠樹年：叫杜鵑洪武甲寅還鄉時已無  
家寓姻親鄒惟高家是歲中秋鄒氏開宴賞月元鎮  
以脾疾戒飲淒然不樂乃賦詩有云紅蟲捲碧應無  
分白髮悲秋不自支不久竟以是疾卒於鄒氏

楊慎堦戶錄古裝祿卷軸引首後以綾粘褚曰罽有  
樓臺錦罽毼絡罽蠲紙罽榜蒲錦罽唐人謂之玉池  
引首有二色者曰複引首標外加竹界曰打撒



十樣蠻牋出益州成都古今記載其目曰深紅曰粉  
紅曰杏紅曰明黃曰淡青曰淺青曰深綠曰淺綠曰  
銅綠曰淺雲又有松花金沙流沙彩霞金粉桃花冷  
金之別又有百韻牋以其幅長可寫百韻

楊慎病榻手吹碧琳腴酒名見曾吉甫詩

陳絀儒枕譚宋人送使契丹詩以青瑣對紫濛接晉  
書慕容氏邑于紫濛之野

丹鉛餘錄云宋官燭香烟成五彩樓閣龍鳳文者疑  
是蜃脂所成

仲長統見志詩曰寄愁天上埋憂地下

陳緇儒羣碎錄黃鶴樓舊傳費禕飛升于此後忽乘黃鶴來歸

影國附庸也

鼓三百三十三槌為一通

玉卮無當底也

柈笙宋魏問方言謂簞為笙柈笙以柈竹為簞也

豆腐淮南王劉安所作

馮贄記事珠于授幼時家以錄真珠勝為簾押授讀書數真珠以記日輒一遍

趙宗標格清峻不為文章雖曰無字碑



漢雍仲子進南海香物拜涪陽尉人謂之香尉

蒲桃髻小兒髮初生為小髻十數其父母為兒女相  
勝之辭曰蒲桃髻十穗勝五穗

穆宗每宮中之花開則以重頂帳蒙蔽欄檻置惜春  
御史掌之

汝陽王璵自稱讓王兼麴部尚書

唐末喬子曠能詩喜用僻事時人謂之孤穴詩人  
開成中貴家以紫檀心瑞龍腦為棋子

唐世風俗貴重蒲蘆醬桃花醋照水油

謝秘書平生不嗜書獨愛沈約集行立坐卧靡不諷

詠

王維以黃磁斗貯蘭蕙養以綺石累年彌盛

白傅每一詩輒洗其筆

楊循吉居山雜志松至三月華以杖扣其枝則紛  
墜落張永祇盛之囊負而歸調以蜜作餅遺人曰松  
華餅市無鬻者

錢希言西浮籍皖城東有劉伶墓垂楊橫江陰冪數  
里帆影盡綠

錢希言楚小志洞庭山回環有十二峯雲鬢欲墜兩  
鬢如愁蒼梧千里真堪日斲章華臺旁土城故地云



是靈王細腰宮也舞榭歌臺烟消燼滅美人香骨化

作車塵惟留得破寺鍾聲共白楊蕭蕭相和耳

余家西湖

所居不見江時從綠楊中得半帆映影而過因題居  
曰象帆影閣中四筆輯者書又題曰絲帆詩話

星伯記

渚宮即楚頃襄王之離宮而宋玉之故宅也藕花菱

葉清漣碧漪髻髯南朝餘艷

道士欣一帶石壁更奇映江面作翡翠色

鸚鵡洲雖跨漢江而尾連黃鶴故圖經屬武昌郡云

李白詩鸚鵡洲橫漢陽渡水引寒烟浸江村風景依

稀今其洲在秋漲中不可見至水落乃出耳予載詞

人俠骨自香何必生秋蘭春杜

暮登大別山陴對江鄂王城林樾映蔚烟霏黯對天  
然一幅梅道人圖于時月掛黃屋鴈吻不踰時潏灩  
滿晴川觀者悠然忘俗

郎官湖舊名南湖李白與尚書郎張謂泛月其中弭  
為郎官

漢陽渡口有烟波灣余逗舟灣下晚陴隔江烟樹忽  
憶杜樊川落月照古渡武昌門未開真入畫矣

陶望齡造台宕路程始八鴈山之色如古敦彛所謂  
丹砂翡翠瓜皮大綠靡不畢具

李日華禮白岳記畫日行兩山合畚間一峯吐雲一



峯送日夾路野松雨蒸日炙香氣撲人衣袖為沾漬

者撫之皆有龍麝氣

常見中紫霞養研山房揭李日華畫竹一幅長文餘脩柯密葉蔭映窓凡但恨摹刻殊異

真墨

費元祿鼉采清課夫自宇宙以來有夔龍周召高議  
文陛之上必有巢許皓光冥棲幽谷之中若使聖明  
之世不覩送民則巖壑為尸塚而芝朮雲霞為糠粃  
矣

陳綯儒巖棲幽事香令人幽酒令人遠石令人雋琴  
令人寂茶令人爽竹令人冷月令人孤棋令人閒杖  
令人輕水令人空雪令人曠鋤令人悲蒲團令人枯

美人令人憐僧令人淡花令人韻金石鼎彝令人古  
余喜賞雪每戲云古今二鈍漢袁安閉門子猷返棹

底是避寒作許題目

皇明人尚議論一轉而有陳眉公楊升菴閻其  
流蓋眉公語多決宕閒遠升菴語多穠麗奇艷

余亦此每想  
見其為人

山鳥每至五更喧起五次謂之報夏蓋山居真率漏  
聲也余憶曩居小崑山下時梅雨初霽座客飛觴適  
聞庭蛙請以節飲因題聯云花枝送客蛙催鼓竹籟  
喧林鳥報更可謂山史實錄

山谷賦苦笋云苦而有味如忠諫之可活國多而不  
害如舉士而能得賢可謂得擘笋三昧洵、手如澗



松之發清吹浩々乎如春空之行白雲可謂得煎茶  
三昧

醫書中有天地國脉圖曰氣趨東南文章太盛亦是  
天地一病

牡丹須著以翠樓金屋玉砌雕廊白鼻牯兒紫絲步  
障丹青團扇紺綠鼎彝才子書素練以飛觴美人拭  
紅綃而度曲不然乃措大賞花耳

四時之景莫如初夏余嘗夜飲歸作增減字浣溪紗  
云梓樹花香月半明棹歌歸舫蟋蟀鳴曲々柳灣茅  
屋矮挂魚罾笑指吾廬何處是一池荷葉小橋橫燈

火紙窓脩竹裏讀書聲

裝潢舊碑石刻泐帖篆額斷不可奪不然却似賢人不著冠耳

真源無味真水無香

住山須一小舟朱欄碧幄明櫺短帆舟中雜置書史鼎彝酒醬并脯近則峯泖而止遠則北至京口南至錢塘而止風利道便移訪故人有見留者不妨一夜話十日飲遇佳山水處或高僧野人之廬竹樹蒙茸草花映帶幅巾杖履相對夷然至於風光淡爽水月空清鐵笛一聲素鷗欲舞



古云鶴笠鷺簑鹿裘鵲冠魚枕杯猿臂留與夫畫圖  
之屋廬詩意之山水皆可遇而不可求即可求而不  
可常余惟紙窓竹屋夏葛冬裘飯後黑甜日中白醉  
而已

老翁抱孫不抱甕恰欲灌花山雨來

焚香倚枕人事都盡夢境未來僕于此時可名卧隱  
便覺鑿坏住山為煩

掩戶焚香清福已具如無福者定生他想更有福者  
輔以讀書

世人但愛秋月而不知秋日之妙白雲碧漢大勝平

時桂落閒庭乃契斯語

吳人於十月采小春茶此時不特逗漏花枝而尚喜  
月光晴暖從此踰過霜淒鴈東不可復堪

韻書字學嘯旨山居清暇不可不習

彭年林水錄肥水東側有一湖三春九夏紅荷覆水  
羅君章湘中記曰湘水之出於揚翔則觴為之舟至  
洞庭日月若出入於其中也

衡山東南二面臨暎湘川自長沙至此江湘七百里  
中有九背故漁者歌曰帆隨湘轉望衡九面

湘川清照五六丈下見底石如樗蒲矣五色鮮明白



沙如霜雪赤崖若朝霞

廬山山川明淨風澤清廣氣爽節和土沃民逸嘉遁之士絃響窟巖龍潛鳳采之賢往往忘歸矣秦始皇漢武帝及太史公司馬遷咸升其巖陞九江而眺鍾彭焉

張志和居江湖自稱烟波釣徒陳少游表其居曰玄真坊陸羽嘗問孰為往來曰太虛為室明月為燭與四海諸公共處未嘗少別又語言真卿曰願為浮家泛宅往來茗雪間

此下二段當出山樓志

竹溪逸民陳洄嘗抵掌于几曰人生百歲能幾旦暮

所難遂者適意耳戴青霞冠披白鹿皮表所居迺大  
溪篁竹脩脩然生當明月高照水光潏潏共月爭清  
輝輒吹短簫乘水舫蕩漾空明月簫聲挾秋氣為豪  
直入無際宛轉若龍鳴深泓絕可聽簫已叩舷歌曰  
吹玉簫兮弄明月明月照兮頭成雪頭成雪兮將奈  
何白鷗起兮衝素波人以爲世外人

慎蒙山棲志昔蘇子瞻夜登黃樓觀王定國諸公登  
桓山吹笛飲酒乘月而歸以爲太白死三百年無此  
樂矣

王維山中與裴迪書曰近暘月下景氣和暢故山殊



可過足下方溫經猥不敢相煩輒便往山中憇感配  
寺與山僧飯訖去北涉玄灞清日暎郭夜登華子岡  
輞水淪漣與月上下寒山遠火明滅林外淡卷寒犬  
吠聲如豹村墟夜春復與疎鍾相間此時獨坐僮僕  
靜默多思曩昔攜手賦詩步仄庭臨清流也當待春  
中草木蔓蕪春山可望輕條出水白鷗矯翼露濕青  
臯麥攏朝雉斯去不遠儻能從我遊乎非子天機清  
妙者豈能以此不急之務相邀然是中有深趣矣無  
忽因馭黃蘗人往不一

楊升菴曰清明時節樓船簫鼓行江南道中亦復奇

勝

都穆玉壺冰許椽好遊山水而體便登陟時人云許  
非徒有勝清實有濟勝之具

李永和杜門却掃絕迹下帷棄產營書手自剗削每  
嘆曰丈夫擁書萬卷何暇南面百城

開元時高太素隱商山起六逍遙館晴夏晚雲中秋  
午月冬日方出春雪未漸暑簟清風夜階急雨各製  
一銘

劉侗帝城景物畧冬至畫素梅一枝為瓣八十有一  
日染一瓣之畫而九之出則寒淡矣曰九之消寒圖



程羽文清閑供坐香一線

先睡心後睡眼睡心是止法睡眼是觀法

沈仕林下盟荆公嗜睡夏月多用方枕睡久氣蒸枕熱則轉一方冷處此非真知睡味未易語此也

司空圖預為壽藏故人來者引之壙中賦詩對酌人或難之焉曰達人大觀幽顯一致非止暫遊此中公何不廣哉

鐵脚道人霞外華俎東谷子跋曰予得此書嘗物色詎謂鐵脚道人者有楚客言二十年前曾見道人在荆南虬髯玉貌倜儻不羈人也嘗愛赤脚走雪中與

發則朗誦南華秋水篇又愛嚼梅花滿口和雪嚙之  
或問嚙此何為道人曰吾欲寒香沁入肺腑或曰道  
人姓杜氏名巽才魏人

陳絀儒長者言閉門即是深山讀書隨處爭土

屠隆清言竹風一陣飄颺茶竈疎烟梅月半寧掩暎  
書窓殘雪

登華子岡月夜犬聲若豹遊赤壁磯秋江鶴影如人  
翠微僧至衲衣金染松雲斗室絳殘石磬半沉蕉雨  
曲迳烟淡路接杏花酒舍澄江日落門通楊柳漁家  
竹密何妨水過山高不碍雲飛三徑竹間日華澹澹



固野客之良辰一編窓下風雨蒲、亦幽人之好景  
徐太室歸有園塵談清虛之作如水磨楠癭自見光  
輝勦襲之文如油漆盤盂終嫌氣息

陳繼儒讀書十六觀倪文節公云松聲澗聲山禽聲  
夜蟲聲鶴聲琴聲棋子落聲雨滴堦聲雪洒窓聲煎  
茶聲皆拜之至清者也而讀書聲為最

黃涪翁云壁書覆甑裂史粘窓誰不惜之士厄窮途  
陷落寃辟聞者不憐遇者不顧聽其死生是賢紙上  
之字而讐腹中之文哀哉

吾讀未見書如得良友見已讀書如逢故人

王世貞文章九命韓翃罷府閒居不得意一日夜半客叩門悉賀曰員外除駕部郎中知制誥翃愕然曰誤矣客曰邸報知制誥闕人中書兩進名不從又請之曰與韓翃時有典公同姓名為江淮刺史者又具二人進御批曰春城無處不飛花寒食東風御柳斜日暮漢宮傳蠟燭青烟散入五侯家與此韓翃客曰此非員外詩耶翃曰是不誤矣

大曆中賣一女子姿首如常而索價至數十萬云此女子誦得白學士長恨歌安可他比

元稹連昌宮等辭凡百餘章宮人咸歌之呼為元才



子

大曆中新羅國上書請以蕭夫子穎士為師

元和中鷄林賈人鬻元白詩云東國宰相以百金易  
一篇偽者輒能辨

契丹使人俱能誦蘓子瞻文

田藝衡陽関三疊圖譜

送元二使安西

渭城朝雨浥輕塵客舍青青柳色新  
勸君更進一杯酒西出陽関無故人

劉辰翁云更萬首絕句亦無復近此詩洵古今第

一矣

余于唐人絕句最愛陽關詩故今此  
遂不憚濫錄俾得通暢其詩旨云

自漢時凡東出函關者始于霸陵故送行者于此  
折柳以贈別李白詞年々柳色霸陵傷別而霸陵  
橋因名銷魂橋

唐陽關在遼西去長安一萬里

漁溪叢話唐人尤用意小詩其命意與所敘述初不  
減長篇而促為四句意工理盡高簡頓挫所以難耳  
如玉摩詰云西出陽關無故人故行者為可悲而勸  
酒者不得不飲陽關之詞不可不作

渭城曲



右丞此詩樂府集作渭城曲

劉禹錫初貶召還又忤宰相被黜十年再召還與歌者何勘詩曰二十餘年別帝京重聞天樂不勝情舊人惟有何勘在更與慙慙唱渭城按此則右丞之詩在唐時已入歌曲矣

陽関曲

右丞此詩在唐時亦名為陽関曲

白氏長慶集云最憶陽関唱真珠一串歌注云沈有謳者善唱西出陽関無故人詞

陽関調

王晉卿燭影搖紅云燭影搖紅夜來飲散春宵短當  
時誰解唱陽關離恨天涯遠無奈雲收雨散凭欄干  
東風淚眼海棠開後燕子來時黃昏庭院

王嬌紅送情人一剪梅云豆蔻梢頭春意闌風滿前  
山雨滿前山杜鵑啼血五更殘花不禁寒人不禁寒  
離合悲歡事幾般離有悲歡合有悲歡別時容易見  
時難怕唱陽關莫唱陽關

陽關三疊

謝疊山云唐人餞別必歌陽關三疊

渭城朝雨浥輕塵渭城朝雨浥輕塵客舍青青柳色



新勸君更盡一盃酒西出陽關無故人 第一疊

渭城朝雨浥輕塵客舍青青柳色新客舍青青柳色

新勸君更盡一杯酒西出陽關無故人 第二疊

渭城朝雨浥輕塵客舍青青柳色新勸君更盡一杯

酒勸君更盡一盃酒西出陽關無故人 第三疊

余謂唐人三疊之法必如此然後得其正故白居易

易詩聽唱陽關三疊聲注云第四聲勸君更盡一

杯酒是也

崔仲容贈歌妓云渭城朝雨休重唱滿眼陽關客未  
歸蓋唐人每疊一句昂所謂重唱也今云渭城朝雨

休重唱則是第一句亦當疊之矣子瞻云第一句不疊是但知有第二第三疊而不知有第一疊也故余之疊法實陽関三昧云

陽関連環三疊

渭城朝雨浥輕塵客舍青、柳色新勸君更盡一盃酒  
西出陽関無故人 第一疊

西出陽関無故人渭城朝雨浥輕塵勸君更盡一盃酒  
客舍青、柳色新 第二疊

客舍青、柳色新渭城朝雨浥輕塵勸君更盡一盃酒  
西出陽関無故人 第三疊



首尾相銜轆轤相續故謂之連環一名移宮陽関  
又名三授頭陽関

陽関四疊

渭城朝雨浥輕塵客舍青青柳色新  
勸君更盡一杯酒西出陽関無故人  
西出陽関無故人

此第四疊唐人三疊之外獨遺此聲好事者特以補  
其大成耳若夫其遍則隨意唱之無定體也

依、傳 又名陽関依、三疊

依、姓柳氏字倚玉楊州二十四橋人也年減橋數  
之零種出章臺之秀為我歌陽関三疊

吟人續云名記昔  
往之時音依云字

仍蓋葭  
之傍

陽関三疊琴操

舊譜云陽関曲始于王摩詰而被之管絃或云句  
三疊或云只用

第三句三疊今之為是詞者如曰青山無數白雲  
無數淺水蘆花無數是又一變而為詞中三疊也  
貫珠三疊第一

渭城朝雨浥輕塵 朝雨浥輕塵 浥輕塵 客舍

青青柳色新 勸君更盡一盃酒 西出陽関無故人 二

第三句四疊  
皆倣此



一串珠三疊

渭城朝雨浥輕塵客舍青、柳色新 朝雨浥輕塵  
青、柳色新 浥輕塵柳色新 勸君更盡一杯酒  
西出陽關無故人 更盡一盃酒陽關無故人 一  
盃酒無故人

陽關飛花三疊第一

渭城渭城朝雨浥輕塵客舍客舍青、柳色新勸君  
勸君更盡一杯酒西出西出陽關無故人

第二疊

渭城朝雨朝雨浥輕塵客舍青、青、柳色新勸君

更盡更盡一杯酒西出陽關陽關無故人

第三疊

渭城朝雨浥輕塵  
浥輕塵客舍青  
柳色新柳色新  
勸君更盡更盡一杯酒  
西出陽關無故人  
無故人

飛花滾三疊

渭城朝雨 渭城朝雨浥輕塵  
浥輕塵 客舍青  
客舍青 柳色新  
柳色新 勸君更盡  
勸君更盡一盃酒  
一盃酒 西出陽關  
西出陽關 無故人  
無故人

王右丞畫陽關圖

淡雪偶談世傳陽関圖亦出摩詰之手遂成二妙

李伯時畫陽関圖


黃庭堅題陽関圖云斷腸聲裏無形影畫出無聲亦  
斷腸想得陽関更無語北風低草見牛羊

池北偶談之想得  
陽関更西路

秋澗集題李伯時畫陽関圖云別淚重於烟柳雨離  
愁長似玉関程就中儘是銷魂處不待聽歌第四聲

秋澗  
王暉





綠帆詩話卷六

謝榛詩家直說宗考功子相過旅館日子嘗謂作近  
體之法如孫登請客未喻其旨請詳示何如曰凡作  
詩先得警句以為發興之端全章之主格由主定意  
從客生若主客同調方謂之完篇譬如蘇門山深松  
草堂具以琴樽其中綸巾野服兀然而坐者孫登也  
如此主人庸俗輩不得躋其階矣惟竹林七賢相結  
而來高雅如一則延之上坐始足其八數爾

凡作七言絕句起如爆竹斬然而斷結如撞鍾餘響  
不輟此法之正也

田藝蘅香宇詩談詩閔氣運此語誠然固不特周召  
鄭衛皎然可辨也漢世渾厚高古魏國雄俊秀發而  
晉平典風麗六代富艷綺靡漢稱東都魏首建安太  
康永嘉體分二軸宋齊梁陳氣出一機精鑒詳評自  
然可別

雲中辨江樹景也天際識歸舟情也宋之問亦云古  
木生雲際暝帆出霧中便不及矣因念古今得意句  
難得一聯志稱暗牖懸蛛網不如空梁落燕泥傍水  
見寒花不如出閔逢落葉

春八池塘草秋生芳樹苔上句乃謝靈運思惠連下



句乃色句嗣思句正可為的對聯也

王昌齡灞池詩開門望長川薄暝見漁者借問白頭翁垂綸幾年也二韵俱用助語亦妙

江盈科雪濤詩評姑蘓唐寅字伯虎蕙鮮南畿旋被詆削籍放浪丹青山水間嘗題一釣翁畫云直挿漁竿斜繫艇夜深月上當竿頂老漁爛醉嗅不醒滿船霜印簑衣影此等語皆大有天趣

一下第舉子題昭君圖云一自峨嵋別漢宮琵琶聲斷戍樓空金錢買取龍泉劍寄與君王斬畫工蓋以畫工喻典試也意亦巧矣

廣西全州蔣暉仕至太守曾言呂純陽嘗至某觀與徘徊相接題詩一首云宴罷歸來海上山月瓢承露浴金丹夜滌鶴透秋空碧萬里西風一劒寒真是竒絕不凡語未容輕擬

一尼僧詩云到處尋春不見春芒鞋踏破曉山雲歸來笑撚梅花嗅春在枝頭已十分絕似悟後

一全真題詩槐川壁間云磨快鋤頭挖苦參不知山下白雲深多年寂寞無烟火細嚼梅花當點心

江夏吳偉號小仙以畫名世武宗賜號曰畫壯元七歲後入塾便伸紙作小畫一幅題其額曰白頭一

老子騎驢去飲水  
崑上蹄躡蹄水中  
嘴對嘴塾師見  
之大奇

一人題子昂山水圖云  
吳興公子玉堂仙  
畫出王維勝輞川  
兩崑青山多小地  
可無一畝種瓜田  
又一人題子昂畫蘭云  
滋蘭九畹誠多種  
不及墨池三兩花  
此日國香零落盡  
王孫芳草遍天涯  
世所為議孟頫者  
如此然孟頫生于  
元世而仕于元則  
亦勢之無奈者也

趙文敏詩多情聞系雅想其人亦當如是至於失節畢竟是性情懦弱

耳 子昂嘗待其從兄子固子固初辭見之後乃以後門迫入及見曰吳興山水近來佳否曰然曰至此山水佳何更不交一語及去盡撤其座具荒澤之子固亦風流豪放嘗以紅牙節曲至柏卓節擲不可犯

余邑李沅南風情特勝赴公車別所愛岷代為題詩



日寶馬金鞭白玉鞍  
藁砧明日上長安  
夜深幾點傷心淚  
滴入紅爐火亦寒

沅南又述一人題二喬觀兵書圖云  
香肩并倚讀兵書  
韜畧原非中饋圖  
千古周南風化本  
晚涼何不讀  
關雎亦雅致可喜

張玉田樂府指迷殘燈朱幌淡月疎窓  
春草碧色春水綠波送君南浦傷如之何

念柳外青驄別後水邊紅袂  
今時愴然暗驚

詞之難于合曲如詩之難于絕句  
不過千數句一句一字間不得求句  
最當留意有有餘不盡之意乃佳

當以花間集中韋莊溫飛卿為則又如馮延巳賀方  
回吳夢窓亦有妙處至若陳簡齋杏花疎影裏吹笛  
到天明之句真是自然而然

楊慎墨池璫錄陳景元評歐陽詢字云世皆知其體  
方而莫知其筆圓亦可為歐之闡幽也

倪正父云東坡多卧筆魯直多縱筆米老多戔筆

黃山谷云近時士夫罕得古法但弄筆左右驪繞遂  
號為草書蓋前世已如此今日尤甚

歐陽詢云虛拳直腕指掌齊空分間布白勿令偏側  
墨淡則傷神彩太濃則滯鋒毫肥則為鈍瘦則露骨

董內直書訣曰無垂不宿無往不收如懸針如折釵  
如壁折如屋漏如印泥如錐畫沙左邊短必與上  
齊右邊短必與下齊左欲去吻右欲去肩指欲窈掌  
欲虛

行：要有活法字：要求生動

小心布置大膽落筆

李華云意在筆前字居筆後

山谷云心能轉腕手能轉筆書字便如人意又曰大  
字難於結密而無間小字難於寬綽而有餘又曰肥  
字須要有骨瘦字須要有肉皆三昧也



米元章云字要骨格肉須裹筋、須藏肉

篆尚婉而通隸欲精而密草貴流而暢真務檢而便  
右軍字似左氏太令字似莊周山谷此言亦類東坡  
以杜子美比司馬遷以江瑤柱比荔枝也

法書惟風韻難及唐人書多粗糙晉人書雖非名法  
之家亦自爽、有一種風流蘊藉之氣錄當時人物  
以清簡相尚虛曠為懷脩容發語以韻相勝落華散  
藻自然可觀可以精神鮮領不可以語言求覓也

古文如春籀如夏篆如秋隸如冬八分行草歲之餘  
閏也

雷太簡云聽江聲而筆法進文與可亦言見蛇聞而草書長

有功無性神彩不生有性無功神彩不實

陳繼儒書畫史楊維翰字子固自號方塘鐵崖之兄也議論高古有氣馭可畏晚年游戲墨蘭竹石極精妙柯九思推遜之曰方塘竹云詩弭光岳集攷徑有穉穉錄書畫有藝游畧

鶚脰湖傳是張志和釣魚處

董玄宰在廣陵見司馬端明所畫山水細巧之極絕似李成而畫譜不載以此知古人之善于逃名

朝雲葬惠州棲禪寺結亭覆之榜曰六如東坡云朝  
雲學書頗有楷法

鵲華秋色卷趙子昂為周公謹作山頭皆着青綠全  
學王右丞

李龍眠書法極精山谷謂其畫之閃紐透入書中

沈顥畫塵屑疊嶂如歌行長篇遠山踈麓如五七  
言絕

山於春如慶於夏如競於秋如病於冬如定

瞿佑歸田詩話劉夢得自嶺外晚始得還蓋自德宗  
後歷順憲穆敬文武宣凡八朝暮年與裴白優游綠



野堂有在人稱晚達於樹北冬青之句又云莫道素  
榆晚為霞尚滿天其英邁之氣老而不衰如此

陳後山少為曾南豐所知東坡愛其才欲牢籠於門  
下不屈有向來一瓣香敬為曾南豐之句又妾薄命  
云主家十二樓一身當三千忍著主衣裳為人作春  
妍亦為南豐也然送東坡則云一代不數人百年能  
幾見風帆目力盡江空歲年晚推重向慕甚至特不  
肯背南豐爾志節可尚也詩格極高呂本中送江西  
宗派以嗣山谷非一時諸人所及

閉門覓句陳無已對客揮毫秦少游山谷詩喻二人

才思遲速之異也後山詩如壞牆得雨蝸成字古屋  
無人燕作家寥落之狀可想淮海詩如翡翠側身窺  
綠酒蜻蜓偷眼避紅粧艷冶之情可見二人他作亦  
多類此後山宿齋官驟寒或送錦半臂卻之不服竟  
感疾而終淮海謫藤州以玉盃汲水笑視而卒二人  
於臨終屯泰不同又如此信乎各有造物也

陳簡齋詩云客子光陰詩卷裏杏花消息雨聲中陸  
放翁詩云小樓一夜聽春雨深巷明朝賣杏花皆佳  
句也惜全篇不稱葉靖逸詩春色滿園闌不住一枝  
紅杏出牆來戴石屏詩一冬天氣如春暖昨日街頭

賣杏花句意亦佳可以追及之

戴式之常見夕照映山峯巒重疊得句云夕陽山外  
山自以為奇欲以塵世夢中夢對之而不愜意後行  
村中春雨方霽行潦縱橫得春水渡傍渡之句以對  
上下始相稱然復實歷此境方見其奇妙

都穆南濠詩話王孟端舍人作詩清麗嘗有人久客  
京師乃別取婦孟端作詩寄之云新花枝勝舊花枝  
從此無心念別離可信秦淮今夜月有人相對數歸  
期其人得詩感泣不日遂歸

王孟端渡松園在瞿稼軒所收  
老顯長句一絕

元僧圓至工於古文而詩尤清婉其寒食云月暗花



明掩竹房輕寒脉、透衣裳清明院落無燈火獨繞  
迴廊禮夜香曉過西湖云水光山色四無人清曉誰  
看第一春紅日漸高絃管動半湖烟霧是游塵其造  
語之妙當不減杜惠勤參寥輩也

曹學佺蜀中詩話花蘂夫人宮詞之外尤工樂府蜀  
亡八汴道經葭萌題驛壁云初離蜀道心將碎離恨

綿、春日如年馬上時、聞杜鵑

錢牧齋近代詞人詩當選  
銀筆曹能始

唐人長短句詩之餘也始于李太白太白以草堂名  
集故謂之草堂詩餘

李東陽麓堂詩話國初稱高楊張徐高李迪才力聲

調過三人遠甚百餘年來亦未見卓然有以過之者  
但未見其止耳張耒儀徐幼文殊不多見楊孟載春  
草詩最傳其曰六朝舊恨斜陽外南浦新愁細雨中  
曰平川十里人歸晚無數牛羊一笛風誠佳然綠迷  
歌扇紅襯舞裙已不能脫元詩氣習

顧元慶夷白齋詩話張旭春草帖云春草青々萬里  
餘邊城落日動寒墟情知海上三年別不寄雲中一  
字書集所不載

家住夕陽江上村一灣流水繞柴門種來松樹高於  
屋借與春禽養子孫

此葉唐夫先生江村詩也先生云洪武間家江  
村橋故有是作其詩多警句此尤可喜云

高廟詠菊詩云百花發我不發我若發都駭我要與  
西風戰一場遍身穿就黃金甲

一池荷葉衣無盡數畝松花食有餘剛被世人知住  
處又移茆屋八深居此唐人詩也余見黃叔明画此  
詩意并篆此詩畫上

朱承爵存餘堂詩話題目詩最難工妙東坡為俞康  
直郎中作退圃詩云百丈休亭上瀨船一鉤歸釣縮  
頭鰯園中草木知無數獨有黃楊厄閏年其於退字  
略不發明而曲盡退字之妙此咏題之三昧也  
天子旌旗分一半八方風雨會中州此劉禹錫賀晉



公留守東都詩也其遠大之志自覺軒豁可仰

關名娛書堂詩詒姜堯章云字法度曰詩載始末曰  
引體如行書曰行放情曰歌行間之曰歌行悲如蛩  
蛩曰吟通乎風俗曰詠委曲盡情曰曲

孟郊詩最古淡坡謂有如食蠅蠅竟日嚼空螯亦宗  
錄

楊慎升菴辭品唐人小說冥音錄載曲名有上江虹  
即滿江紅、窓影、紅窓迴也

必秦游謫處州日作千秋歲辭有花影亂鶯拜碎之  
句後人慕之建鶯花亭陸放翁有詩云沙上春風柳

十圍綠陰依舊語黃鸝故應留與行人恨不見秦郎  
半醉時

予愛小秦王三首其一云鴈門山上鴈初飛馬邑關  
中馬正肥陌上朝來逢驛騎殷勤南北送征衣其二  
云柳條金嫩不勝鴉青粉牆頭道韞家燕子不來春  
寂寞小窓和雨夢梨花其三云十指纖纖玉笋紅鴈  
行輕度翠弦中分明自說長城苦水咽雲寒一夜風  
第一首妓女盛小叢作後二首無名氏

陸深古奇器錄開元中張說為宰相有人惠說一珠  
紺色有光名曰記事珠或有闕忘之事則以手持弄

此珠便覺心神開悟事無巨細冥然明曉一無所忘  
說祕而寶之

龜茲國進奉一枕其色如瑪瑙溫々如玉其製作甚  
樸素若枕之則十洲三島四海五湖盡在夢中玄宗  
因名為游仙枕後賜與楊國忠

內庫有一酒盃青色而有紋如亂絲其薄如葉於盃  
足上有鏤金字曰自煖盃上令取酒注之溫々然有  
氣相吹如沸湯遂取於內藏

開元二年冬至交趾國進犀一株色黃如金使者請  
以金盤置於殿中溫々然有煖氣襲人上問其故使



者對曰此辟寒犀

余尚書靖慶曆中知桂州境窮僻處有林木延袤數  
十里每至月盈之夕輒有笛聲發于林中甚清遠土  
人云聞之已數十年終不詳其何恠也公遣人尋之  
見其聲自一大栢木中出乃伐取以為枕笛聲如期  
而發公甚寶惜凡數年公之季弟欲窮其恠命工解  
之但見木之文理正如人月下吹笛之像雖善畫者  
不能及重以膠合之則不復有聲矣

鮮于樞箋譜海苔紙晉南越所貢以苔為之名側  
理紙後人言陟釐

齊高帝造銀光紙賜王僧虔一名凝光紙

唐初將相官詔亦用銷金箋及鳳凰紙書之餘皆魚  
牋花牋玄宗令李龜年持金花箋宣賜李白進清平  
調詞

段成式在九江造雲藍紙

蕭貫夢至宮庭有婦人授貫衍波牋

楊炎在中書後閣用桃花紙糊窓

紙譜又有玉板貢餘經屑表光之名

南唐有澄心堂紙細薄光潤為一時之甲

高麗歲貢蠶紙日本國出松皮紙扶桑國出荻皮紙

蜀中藤紙

越中竹紙

江南楮皮紙

温州蠲紙大類高麗烏程由拳皆出其下

歙績溪界有紙墨光白滑冰翼凝霜之目

東坡詩麥光鋪几淨無瑕麥光紙名也

黃山谷為范子默求朶鴉青紙

顧元慶茶譜茶之產于天下多矣若鈞南有蒙頂石

花湖州有顧渚紫筍峽州有碧澗明月

凡茶須緩火炙活火煎活火謂炭火之有焰者當使



湯無妄沸庶可養茶始則魚目散布微、有聲中則  
四邊泉湧累、連珠終則騰波鼓浪水氣全消謂之  
老湯三沸之法非活火不能成

仇茶少湯多則雲脚散湯少茶多則乳面聚

陸樹聲茶寮記唐秘書省中水最佳故名秘水

顧況論茶云前以文火細烟小鼎長泉

顧渚山茶記山中有鳥每至正月二月鳴云春起也

至三月四月云春去也採茶者咸呼為報春鳥

謝宗論茶豈可為酪蒼頭便應代酒從事

陶弘景云若茶換骨輕身昔丹邱山黃山服之

劉禹錫試茶歌欲知花乳清冷味須是眠雲破石人  
杜牧茶山詩山實東吳秀草稱瑞草魁

素宏道瓶史古銅器入土年久受土氣俾用以養花  
色鮮明如枝頭開速而謝遲就瓶結席陶甕亦然  
花之所謂整齊者正以參差不倫意態天然如子瞻  
之文隨意斷續青蓮之詩不拘對耦此真整齊也  
花下不宜焚香猶茶中不宜置果也夫茶有真味非  
甘苦也花有真香非烟煤也味奪香損俗子之過且  
香氣燥烈一被其毒旋即枯萎故香為花之劒刃  
夫花有喜怒寤寐曉夕浴花者得其候乃為膏沐澹

雲薄日夕陽佳月花之曉也狂飈連雨烈焰濃寒花  
之夕也脣檀烘日媚體藏風花之喜也暈酣神歛烟  
色迷雅花之愁也歌枝困檻如不勝風花之夢也嬌  
然流眄光華溢目花之醒也曉則空庭大廈昏則曲  
房奧室愁則屏風危坐喜則謹呼調笑夢則垂簾下  
帷醒則分膏理澤所以悅其性情時其起居也浴曉  
者上也浴寐者次也浴喜者下也若夫浴夜浴愁直  
花刑耳

梅花以迎春瑞香山茶為婢海棠以蘋婆林檎丁香  
為婢牡丹以玫瑰薔薇木香為婢芍藥以鸚鵡蜀葵



為婢石榴以紫薇大紅千葉木槿為婢蓮花以山礬  
玉簪為婢木犀以芙蓉為婢菊以黃白山茶秋海棠  
為婢蠟梅以水仙為婢諸婢婆態各盛一時濃淡雅  
俗亦有品評水仙神骨清絕獄女之梁玉清也山茶  
鮮妍瑞香芬烈玫瑰旖旎芙蓉明艷石氏之翔風羊  
家之淨琬也林檎蘋婆姿媚可人清生之解愁也鶯  
粟蜀葵妍于籬落司空圖之鸞臺也山礬潔而逸有  
林下氣魚玄機之綠翹也黃白茶韻勝其姿郭冠軍  
之春風也丁香瘦玉簪寒秋海棠嬌然有酸態鄭康  
成崔秀才之侍兒也其他不能一一比像要之皆有

名于世柔倭纖巧願氣有餘何至出于曠榴花樂天

秋草下哉

花寄餅中共吾曹相對既不見摧于老兩甚風又不受侮于銑漢處卿可以駐顏色俚令終豈古之瓶隱者歟邵伯

承日如此則羣虬花九錫亦覺非禮之禮不如此公之夢花以德也請梓之掃花頭陀結偈跋

茗賞者上也譚賞者次也酒賞者下也若夫內酒越

茶及一切庸穢凡俗之語此花神之淡惡痛斥者寧

閉口枯坐勿遭花惱可也夫賞花有地有時不得其

時而漫然命客皆為唐突寒花宜初雪宜雪齋宜新

月宜煖房溫花宜晴日宜輕寒宜華堂暑月宜雨後

宜快風宜佳木蔭宜竹下宜水閣涼花宜霽月宜夕

陽宜空階宜苔徑宜古藤巉石邊

程羽文花曆

正月

蘭蕙芳

瑞香烈

櫻桃始葩

徑草綠

雉春初

放

百花萌蘖

二月

桃夭

玉蘭鮮

紫荊繁

杏花飾其靨

梨花溶

李能白

三月

薔薇蔓

木筆書空

棣萼韡

楊入大水為萍

海棠睡

綉球落



四月

牡丹王 芍藥相于階 罌粟滿 木香上井 杜

鵲歸 茶蘼香夢

五月

榴花照眼 萱北鄉 夜合始交 蒼蘭有香 錦

葵開 山丹顏

六月

桐花馥 菡萏為蓮 茉莉來賓 凌霄結 鳳仙

降于庭 鷄冠環戶

七月

葵傾赤 玉簪搔頭 紫薇浸月 木槿朝榮 蓼

花紅 菱花乃實

八月

槐花黃 桂香飄 斷腸始嬌 白蘋開 金錢夜

落 丁香紫

九月

菊有英 芙蓉冷 漢宮秋老 菱荷化為衣 橙

橘登 山藥乳

十月

木葉脫 芳草化為薪 苔枯 蘆始秋 朝菌歎

花藏不見

十一月

蕉花紅

枇杷蕊

松栢秀

蜂蝶蟄

剪綵時行

花信風至

十二月

蠋梅坼

茗花發

水仙負冰

梅香綻

山茶灼

雪花六出

楊維禎煮茶夢記鐵龍道人卧石床移二更月微明  
及紙帳梅影亦及半牕鶴孤立不鳴命小芸童汲白  
蓮泉燃檟湘竹授以凌霄芽為飯供道人乃遊心太



虛雍：涼：若鴻濛若皇芒會天地之未生適陰陽  
之若止恍兮不知入夢遂坐清真銀暉之堂：上香  
雲簾拂地中著紫桂榻綠瓊几看太初易一集：內  
悉星斗文煥燁燭金流玉錯莫別爻畫若烟雲日  
月交麗乎中天歟玉露涼月冷如水八齒者易刻因  
作太虛吟：曰道無形兮兆無聲妙無心兮一以貞  
百爲斯勸兮太虛以清敬已光飈起林末激華氛郁  
：霏：絢爛淫艷廼有扈綠衣若仙子者從容來謁  
云淡香小字綠花乃捧太玄盃酌太清神明之醴以  
壽予侑以詞曰心不行神不行無而爲万化清壽畢

紆徐而退復令小玉環侍筆牘遂書歌遺之曰道可  
受兮不可傳天無形兮四時以言妙乎天兮天天之  
先天天之先復何仙移間白雲微消綠衣化烟月反  
明予內問予亦悟矣遂冥神合玄曰光尚隱於梅  
花間小玉呼曰凌霄芽熟矣





